

Cyhoeddir y Polisi hwn ar wefan Cyngor Gwynedd ar 28 Medi 2015 yn unol â Rheoliad 4 ac Atodlen 1, Paragraff 1 o'r Rheoliadau Gwybodaeth Teithio Dysgwyr (Cymru) (Offeryn Statudol 2009/569)

Polisi Cludiant sefyllfa methu agor ysgol (neu ran o ysgol)

Cyflwynir trefniadau cludiant dros dro mewn sefyllfa ble nad yw'n bosib agor ysgol ddalgylich (neu ran o ysgol ddalgylich) am gyfnod o amser.

Gall sefyllfaoedd fel hyn godi, er enghraifft, o fethu â staffio ysgol, neu lle bo difrod wedi bod mewn ysgol (e.e. tân). Gall y trefniadau fod ar gyfer ystod oedran cyfan ysgol, neu ystod o oedrannau penodol o fewn ysgol (yn dibynnu ar yr amgylchiadau).

Pan na fydd hi'n bosib agor ysgol (neu ran o ysgol) ddalgylich fe ystyrir bod dalgylich yr ysgol nad yw'n bosib ei hagor yn dod yn rhan o ddalgylich gwahanol (e.e. dalgylich ysgol gyfagos (neu ddalgylich mwy estynedig na hynny os oes angen) er mwyn sicrhau adeilad addas sydd ar gael i gartrefu'r ysgol).

Cymhwysir Polisi Cludiant Ysgolion arferol y Cyngor i'r dalgylich gwahanol, newydd, dros dro hwn.

Felly,

darperir cludiant di-dâl i ddisgyblion sy'n byw yn y Sir ac sydd wedi cofrestru mewn ysgol sy'n cael ei rhedeg gan y Cyngor

- Ysgolion cynradd - ar gyfer disgyblion sy'n byw 2 filltir neu ymhellach o'r ysgol agosaf (neu adeilad addas) yn y dalgylich gwahanol, newydd dros dro ble mae llefydd ar gael, neu i ysgol sydd ddim yn y dalgylich gwahanol, newydd dros dro ond sydd yn agosach at gartref y disgybl (dim yn cynnwys disgyblion dosbarth meithrin).
- Ysgolion uwchradd - ar gyfer disgyblion o dan 16 oed sy'n byw 3 milltir neu ymhellach o'r ysgol agosaf (neu adeilad addas) yn y dalgylich gwahanol, newydd dros dro ble mae llefydd ar gael, neu i ysgol sydd ddim yn y dalgylich gwahanol, newydd dros dro ond sydd yn agosach at gartref y disgybl.